

डॉ. मनाज़िर आशिक्र हरगानवी

**शिकार
आरो
शिकारी**



शिकार आरो शिकारी

शिकार आरु शिकारी

उर्दू बाल-उपन्यास करुँ अंगिका रूपान्तर

डॉ. मनाज़िर आशिक़ हरगानवी

अंगिका अनुवाद

डॉ. अमरेन्द्र

प्रकाशक

एजुकेशनल पब्लिशिंग हाउस

३१०८, वकील स्ट्रीट, कूचा पंडित

लाल कुँआ, दिल्ली-११०००६

पुस्तक : शिकार आरो शिकारी
लेखक : डॉ. मनाज़िर आशिक़ हरगानवी
अंगिका अनुवाद : डॉ. अमरेन्द्र
संरक्षक : मुजतबा खां
संस्करण : ई. २००६
मूल्य : ३० रुपये
मुद्रक : अफीफ ऑफसेट प्रिंटर्स, नयी दिल्ली-६

पुस्तक मिलने के पते

- एजुकेशनल पब्लिशिंग हाउस, ३१०८, वकील स्ट्रीट, कूचा पंडित, लाल कुँआ, दिल्ली-११०००६
 - कोहसार, भीखनपुर-३, भागलपुर-८१२००१ (बिहार)
 - कामायनी, लाल खां दरगाह लेन, सराय, भागलपुर-८१२००१ (बिहार)
-

SHIKAR ARO SHIKAREE By Dr. Manazir Ashiq Harganvi
ANGIKA TRANSLATION By Dr. Amrendra

ई अनुवाद-कृति
आपनों ऊ सब मित्र-अमित्र कें समर्पित
जे हमरों झुट्ठे शिकायत में
आपनों कीमती समय बर्बाद करै छै ।

—अमरेन्द्र

शिकार आरो शिकारी

खालिक चा गजब के शिकारी छै ।
देखैहौ में शिकारिये हेनो लागै छै ।
भारी भरकम देह, होने आवाज, छोटो मतरकि घन्नों दाढ़ी आरो आँखी पर
चश्मा ।
हुनको नगीच बैठो आरो शिकार के जिकिर छेड़ी दौ, फेनू नी देखौ—केन्हो-केन्हो
अनुभव बोलते चलै छौं ।
हालाकि हुनको पेशा ते वकिलाये छेकै, मतरकि हुनको असल शौक शिकारे
छेकै ।
खालिक चां अकसरहै आपनो शिकारी जिनगी रो कहानी हमरा सुनैले छै ।
दू, एक दाफी हम्मू हुनको साथे शिकार पर गेलो छियै । पहलो दाफी शिकार
पर जैवो हमरा बड़ी दिलचस्प बुझैलो छेलै ।
एक दिन पहिले योजना बनलै कि हरिण आकि नील रो शिकार करलो
जाय । खालिक चा के एक मोकिले जानकारी देले छेलै कि धन्वां-मन्वां
तंगल के नगीच जे गांव बसलो छै, वहांको खेतो में हरिण आरो नील घुसी
आवै छै आरो फसल बर्बाद करी दै छै, जेकरे कारण किसान सिनी बड्डी
परेशान रहै छै ।

आखिर चाचां योजना बनैये लेलकै । दू जीप रों इन्तजाम करलौं गेलै । कलैवों साथें राखी लेलौं गेलै । चाचां तें आपनों बन्दूक लेबे करलकै, अवधेश सिंह सें कहलकै कि हुनी आपनों बन्दूक लै लौ । धनंजय मिसिर, शशिभूषण सिंह, उमेश राय, मिथिलेश झा, मजोज दास, खुशीलाल आरो दू एकटा लोग दोनों जीपों पर सवार होय गेलै । हम्में खालिक चा के साथें बैठलौं ।

ठीक तीन बजें शाम कें हमरा सिनी बतैलौं गेलौं गाँव पहुँचलां । मुखिया आरो सरपंचों कें बुलैलौं गेलै । हुनका सिनीं चाय, पानी सें आदर सत्कार तें करवे करलकै, साथे साथ ऊ खेतों सिनी कें देखलैलकै, जहाँ राती में ढेरे हरिण आरो नील आवै आरो फसल चट करी जाय ।

चाचां संझकी नमाज पढ़लकै आरो तीन चार गो मजदूर साथें लै लेलकै । फेनू हमरा सिनी रवाना हो गेलियै—पैदले बढ़तें रहलियै, आरो खेतों सें आगू जंगल के किनारी पहुँची गेलियै ।

चाचां दू-तीन रस्ता कें ध्यानी में राखलकै कि हिरण आरो नील यहेँ सिनी रास्ता दै कें ऐतें होतै । फेनू एकटा मोनासिब जग्घों देखी कें वहाँ ठां मोर्चा संभाली लेलकै । वैठां सें जंगल के रास्ता पर नजर राखलौं जावें सकै छेलै आरो खेतो ठो दिखाय पड़ै छेलै । संयोगों सें चाँदो निकली ऐलौं छेलै आरो चाँदनी फैललौं जाय छेलै ।

मोरचा संभालतैं चाचां हमरा सिनी कें मना करी देलें छेलै कि केकरो मुंहों सें नै तें कोय किसिम के आवाज निकलें आरो नै कोय बीड़ी आकि सिगरेट पीएँ ।

वक्त गुजरतें गेलै । हमरा सिनी इन्तजार करतें रहलियै । चाँदनिये में देखलियै—घड़ी दस बजाय रहलौं छेलै ।

तभिये आहट बुझलै । फेनू हेनों लागलै, जेना ढेरे जानवर एक्के साथें चली रहलौं छै । चाचा फुसफुसैलै, “शिकार आवी रहलौं छै । दम साधी कें बैठों ।” आरो देखथैं-देखथैं जंगल सें निकली कें तीन नील खेतों दिश बढ़लै ।

हम्में देखलियै, चाचां बन्दूक तानी लेलें छै । बन्दूक के दोनो नली में गोली पहिलें सें डाली लेलें छेलै । फेनू हुनी बन्दूक रों कुन्दा आपनों दायां सीना सें लगैलकै । एक आँख मुनी कें शिकार कें निशाना पर लैलकै आरो बन्दूक के लबलबी दबाय देलकै । ‘धांय’ के आवाज होलै आरो हमरा सिनी

देखलियै कि चौकड़ी भरतें तीनो नील जंगल दिश भागी गेलै । खालिक चां दोसरो गोली चलाय लें चाहलकै, मतरकि ओकरो मौकाहै नै मिललै ।

हमरा सिनी बड़्डी उदास होय गेलियै, मतर चाचां कहलकै, “नील कें गोली जरूरे लागलौ छै, ओकरो निशाना अचूक नै गेलौ छै ।”

यहें विश्वास आरो अविश्वास रौ हालत में चचां ऊ जग्घों पहुँचलै जहाँ नील छेलै । चोरबत्ती के रोशनी जमीन पर देलौ गेलै तें, वहां खून गिरलौ मिललै । जरूरे गोली लागलौ छै आरो एक ठो जखिमयो होलौ छै । ई सुनहैं हमरा सिनी में जोश भरी उठलै । चचां कहलकै, “आबें यहें खून के सहारा हम्में आगू बढ़वै । घायल नील बहुत दूर नै जावें सकें । ऊ जरूरे नगीच के कोय झाड़ी में छिपलौ होतै । ई ओकरो स्वभाव छेकै” आरो हमरा सिनी जंगल में दाखिल होय गेलियै । मजकि जल्दिये खून रौ धब्बो गायब होय गेलै । हुन्नें झाड़ी आरो पत्तो सिनी मिली कें घायल नील के खोज के रस्ता खतम करी देलें छेलै ।

चचां अवधेश सिंह सें कहलकै कि एक मील रौ सीमाना में ऊ दोसरो रास्ता सें विपरीत दिशा में जाय । दू मजदूर आरो तीन लोगो हुनको साथ होय जाय । हिन्नें सें तोरा सिनी हमरो दिश बढ़ौ आरो हम्में हुन्नें सें तोरा सिनी दिश बढवौ । घायल नील जरूरे झाड़ी में छुपी कें बैठलौ होतै ।

हम्में खालिक चा के साथें रही गेलियै । शशिभूषण आरो उमेश राय जहांगीरो दू मजदूरों साथें हमरे सिनी के साथ चली रहलौ छेलै ।

अभी हमरा सिनी कुछुवे कदम आगू बढ़लौ छेलियै कि हमरो साथ चली रहलौ एक मजदूर के मूँ सें आवाज निकललै, “अरे बाप रे !” आरो एकरे साथ ऊ जमीन पर लोटें लागलै । एक हाथ सें वैं आपनों बायां गोड़ पकड़लें होलौ छेलै । हमरा सिनी ओकरो दिश मुड़लियै । चचा सबसें आगू छेलै आरो एक ठो मजदूर चोरबत्ती लेनें हुनको साथें चली रहलौ छेलै । चोरबत्ती के रोशनी में देखलौ गेलै तें देखलकै कि एक मोटो लम्बा रं कारों बिच्छू भागलौ जाय रहलौ छेलै । यही बिच्छू मजदूरों कें डंक मारलें छेलै । हमरा सिनी बिच्छू के पीछू लपकलियै आरो चचा मजदूर के नगीच बैठी कें फूक मारें लागलै । हुनी ओकरो घाव पर अंगुलियो फेरी रहलौ छेलै । आरो ठीक तीने चार मिनट के बाद हमरा सिनी आचरज भरलौ दृश्य देखलियै । ऊ मजदूर एकदम ठीक होय गेलौ छेलै आरो आगू बढ़ै वास्तें तैयार छेलै ।

हमरा सिनी आगू बढी गेलियै ।

मतरकि हमरो सब्भे टा ध्यान मजदूरे सिनी पर छेलै, केन्हें कि हम्मं बिच्छू के बारे में बहुते कुछ पढ़लें छेलियै । जेना कि बिच्छू केरो ताल्लुक आठ टांगवाला पिपरी या हेने कीड़ा-मकौड़ा के जाति सें छै, जैमें सबसं अलग किसिम के आरो जहरीला काला बिच्छू होय छै । आम बिच्छू तें मटियैन्नो रंगों के होय छै । ओकरो मूँ सटलो, आगू में दू सब्बड़, ताकतवाला, शिकंजा नांखी सूँह होय छै, जेकरा वैं हमेशे बरछी नांखी आगूवे-आगू बानलें राखै छै । ई दोनों सूंग गोहरा मछली के टांगों सें बहुते कुछ मिलै-जुलै छै । बिच्छू रों देह दू हिस्सा में बंटलें रहै छै—अगुलका हिस्सा और पिछुलका हिस्सा । एकरो अंग्रेजी में सेफालोथेरेकस आकि प्रोसामा भी कहलें जाय छै, जबें कि पिछुलका केँ एबडोमेन या ओपिसथोसोमा कहलें जाय छै । अगुलका हिस्सा ओकरो सिर के ओरी से सीना सें जुड़लें रहै छै, जैमें सात हल्का नुमा भाग होय छै, जबें कि स्किम के पिछुलका हिस्सा कुछ-कुछ टुकड़ानुमा खंडों में बंटलें रहै छै । स्किम के पिछुलके हिस्से में ओकरो दुम भी होय छै, जेकरो आखरी हिस्सा पर विष के एक छोटों रं थैलियो होय छै । ऊ थैली के मुँहों पर एक कड़ा, पेचीदा आरो नोकनी वाला काँटा होय छै, जेकरै डंक कहलें जाय छै । डंक के झुकाव कुछ हेनो होय छै कि जब तांय बिच्छू पिछुलका हिस्सा केँ ऊपर नै उठावें, डंक काम नै करै छै । बिच्छू के डंक में एक छोटों रं भुरकी होय छै, जेकरे जरिया सें यै शिकार के शरीर में आपनों जहर दाखिल कराय देलकों । विष के खजाना पुछड़ी के आखिरलका हिस्सा में रहै छै । अगुलका हिस्सा में दू सें लै केँ पांच आरू कभी-कभी आठो तक आँख होय छै । ओकरो मुँह मादा के दिश अगला या पिछुलका ठोरों के दरम्यान होय दै । ओकरो मूँ के आगू जे दू आज्ञा शिकंजा नांखी हुऐ छै, ओकरे जरिया यें आपनों खुराक तलाशतें रहै छै । टांग के पहिलें प्लेट के शकल के चार जोड़ा होय छै आरो वैमें ग्लैनडूलर भाग हेनो होय छै, जेकरा सें ओकरो पाचन के व्यवस्था दुरुस्त रहै छै । छोटों-मोटों कीड़ा मकौड़ा बिच्छू के रुचिकर भोजन छेकै । एतनै नै, पिपरी आरो घास-पतार में पैलें जाय वाला नान्हों-नान्हों कीड़ो एकरों रुचिकर भोजन छेकै । बिच्छू उपवासों के अभ्यस्त होय छै । एक अन्दाज के मोताबिक एक ठो बिच्छू बिना खोराके के सालो भरी जिन्दा रहें सकै छै । बिच्छू रों देखै सुनै रों शक्ति बड्डी कमजोर

होय छै । ऊ केकरो आवाज आपनों गोड़ों के जरियाहै सें सुनै छै, केन्हें कि ओकरा कान नै होय छै । बनावटियो बिच्छू हुएँ पारें । एकरों लें दिलचस्प आरो आसान तरीका ई छेकै कि थोड़ा टा गोबर आरो दही मिलाय कें ओकरों एकटा बर्तन में राखी देलों जाय । फेनू ऊ बर्तन के मूं ठीक ढंग सें बन्द करी आकरा गोबरों के ढेरी में गाड़ी देलों जाय । एक हफ्ता बादे ऊ बर्तन कें निकाली लेलों जाय तें खोलला पर देखलों जावें सकै छै कि ऊ बर्तन बिच्छू सिनी सें भरलों छै ।

हमरों दिमाग मजदूर आरो बिच्छू में उलझी कें रही गेलों छेलै । मजदूर के ठीक होवों हमरा लें कोय घटना सें कम नै छेलै ।

फेनू हेनों होलै कि जखमी नीलो नजर आवी गेलै । चाचाहें ओकरा पर गोली चलैलकै आरो शिकार हमरों हाथ लगी गेलै । फेनू की छेलै, मजदूर सिनी के मदद सें शिकार कें जीप पर लदवैलों गेलै आरो वापसी वास्तें निकली गेलियै । रास्ता में हमरा सें रहलों नै गेलै । हम्में चाचा सें पूछलियै कि आखिर मजदूर एतें जल्दी केना ठीक होय गेलै ।

पहिले तें चचां टारै के कोशिश करलकै, मजकि जबें सब्भे लोगों पूछताछ शुरू करी देलकै तें, हुनी बतैलकै कि कुरान शरीफ के आयात पढ़ी कें फूक मारी रहलों छेलियै आरो अंगुली यै लेली फेरी रहलों छेलियै कि हमरों अंगुली में एतें तासीर छै कि विषो उतारी कें राखी दें । ई तासीर तें तोरो सिनी आपना में पैदा करें सकै छों । आमों के गाछी में जबें खूब मंजर आवी जाय तें शुरुआतिये दिनों में मंजर तोड़ी कें कुच्छू देर वास्तें अंगुली सिनी सें मलतें रहों, एतै देर कि मंजर के रस अंगुली सिनी सोखी लें । तीन दिनों तक ई अभ्यास कें दुहरैतें रहौ । फेनू की छै, एक साल लेली तोरों अंगुली में एतें तासीर पैदा होय जैतों कि बिच्छू के काटलों जग्घा पर तोहें हाथ फेरी दौ—ओकरों विष निकली जैतै आरो ऊ कुछुवे देरी में चंगा होय जैतै ।

चाचा हर साल आम के मंजरी मसलै वाला अभ्यास दुहरैतें रहै छै, यै लेली हुनकों अंगुली सिनी में एतें असर आवी गेलों छेलै, जेकरों नमूना हम्में खुद्दे आपनों आंखी सें कुछ देर पहिलें देखी चुकलों छेलियै ।

ई चमत्कार नै छेलै तें आरो की छेलै ।

एक मुलाकात में खालिक चाचां चीता के बारे में बतलकै कि चीता बड्डी खूबसूरत, दिलेर, निडर, मजकि मक्कार आरो दरिन्दा जानवर होय छै । ओकरो कद-काठी तें शेरनिये रं होय छै, मतरकि ई मक्कारी में शेरों सें बढ़िये कें होय छै । फेनू एकरों रंगो ओकरो माहौल सें मेल खाय छै । जबें ई पेट रों बलें लेटी कें आपनों शिकार पर घात लगाबै छै तें बनी जाय छै । यही कारण छेकै कि शिकार आसानी सें धोखा खाय जाय छै । जबें ई शिकार के घात में लेटलों रहै छै, तखनी ओकरो चेहरा एक हद तांय बड्डी भयावह बनी जाय छै । चीता कें जबें आदमी के मांस के चस्का लागी जाय छै, तबें ऊ घरो में घुसी कें हमला करें लागै छै ।

खालिक चाचां कहलकै कि हम्में दू किसिम के चीता देखलें छियै । शेर जेन्हों लम्बा आरो ऊच्चों सात फीट तक के, जे कि आबादी दिश कम्मे आवै छै । ज्यादातर तें ई घन्ने जंगलों में पैलों जाय छै आरो घन्ने जंगलों में शेर नांखी हिरण, चीतल आरनी के शिकार करै छै ।

दोसरो किसिम के छोटों चीता आपनों दिलेरी आरो मक्कारी लेली बड़ी नामी होय छै । ई किसिम के चीता बस्ती के निकट झाड़-झंकार साथें पहाड़ी के गुफो में रहै छै आरो बकरी, कुत्ता, भेंड़ आरनी के शिकार सें आपनों पेट पालै छै ।

चीता गाछ पर बड्डी आसानी सें चढ़ें पारै छै । ज्यादातर तें गाछिये पर चढ़ी कें आपनों शिकार के तलाश करै छै, केन्हें कि यै तरीका सें जंगल के एक बड़का हिस्सा ओकरा दिखाय पड़ै छै । आरो जेन्हें शिकार पर ओकरो नजर पड़ै छै, ऊ तेजी के साथें गाछी सें उतरी पड़ै छै आरो घात में लगी जाय छै । फेनू शिकार करला आरो खैला के बाद जे हिस्सा बची जाय छै, ओकरा घसीटतें हुएँ कोय सुरक्षित जग्घा में लै जाय कें पत्ता सिनी सें ढकी दै छै । ताकि फेनू आवी कें खावें सकें ।

होना कें तें चीता बड़ी निडर जानवर होय छै । जंगल में शायते कोय जानवर होय छै, जेकरा सें ई डरै छै, मजकि जों कोय जंगली कुत्ता सें सामना होय जाय तें, मौत जना ओकरो आँखी लुग घूमतें नजर आवै छै । जंगली कुत्ता कें देखथें ई फुर्ती सें गाछी पर चढ़ी जाय छै आरो झबरलों डाली पर छुपी कें बैठी जाय छै । हेनों नै करें तें, जंगली कुत्तां ओकरो बोटी-बोटी

नोची कें खाय जाय । यही कारण छै कि शेर आरो दूसरों जंगली जानवर जंगली कुत्ता सें दूरे भागै छै ।

खालिक चाचां बतैलकै कि एक दिन जंगल सें कैम्प वापिस आवी रहलौं छेलियै कि रास्ता में सड़क के किनारी एक गाछी के नीचू कुछ जंगली कुत्ता कें हुनी देखलकै, जे सिनी आपनों मुंह ऊपर उठैनें गाछी के उपरलका हिस्सा देखी रहलौं छेलै । पहले तें चाचा कें हैरत होलै । फेनू होले-होले चलतें होलें कुत्ता सिनी के पीछू पहुँची गेलै । मजकि तभियो ऊ सिनी के ध्यान में कोय फरक नै पड़लै । चाचां निशान बांधी कें ऊ सिनी पर फायर करी देलकै, जेकरा सें दू कुत्ता तें वहीं ढेर होय गेलै, बाकी सब लगे उड़ौन दै देलकै । खालिक चाचां जानै छेलै कि हौ कुत्ता सिनी मरलौं कुत्ता कें खाय लें जरूरे ऐतै । यै लेली हुनी ऊ सब के इन्तजार करतें रहलै । कुछ देर गुजरलौं नै होतै कि हौ कुत्ता सिनी फेनू लौटी ऐलै । चाचां दोबारा फायर करलकै । ई दाफी एक कुत्ता मरलै आरो बाकी सब फेनू लगे उड़ौन होय गेलै । आरो हेनौं भागलै कि फेनू घुरी कें नै ऐलै ।

आबें चाचां गाछी के नगीच पहुँची कुत्ता सिनी कें आकर्षण के राज जानै वास्तें गाछ के झबरलौं डाली दिश नजर दौड़ैलकै आरो ई देखी कें हुनका बहुते आचरजो नै होलै कि वहाँ एक ठो चीता छुपलौं बैठलौं छेलै । हेनौं खतरनाक स्थिति में ओकरो वास्तें यहें सुरक्षित जग्घों होय छै ।

एक दाफी के बात छेकै । शाम के वक्त छेलै । कन्धा पर बन्दूक रखलें खालिक चाचा शिकार के गरज सें जंगल में सड़क के किनारी-किनारी होले-होले चललौं जाय रहलौं छेलै कि तभिये जंगली मुर्गा केरौं झुण्ड जमीन पर कुछ चुगतें हुएँ नजर ऐलै । अभी हुनी ऊ झुण्ड कें देखिये रहलौं छेलै कि एक मुर्गा एक अजीबे अन्दाज में बांग देलकै कि तभिये हुनको नजर झाड़ी के पीछू छोटों नस्त के एक चीता पर गेलै, जे मुर्गा सिनी दिश होले-होले बढ़ी रहलौं छेलै । घात लगैतें लगैतें आखरी में चीता मुर्गा के झुण्ड लुग पहुँचिये गेलै, मजकि मुर्गा रौं झुण्डें ओकरा देखी लेलें छेलै, यही लें सब एक्के साथ उड़ना शुरू करी देलकै । ऊ वक्ती चीतां एक छलांग लगैलकै आरो एक मुर्गा मारी गिरैलकै । फेनू दोसरों छलांग में दू मुर्गा दबोचतें झाड़ी में गुम हाय गेलै ।

खालिक चां एकठो आरो तजुरबा बतैलकै कि संझा के लगभग पाँच

बजे के समय होतै । गाँव के मकान सिनी रों द्वार अभी खुल्ले छेलै । जंगल के करीब के एक मकान में एक बूढ़ा चारपाई पर बैठलौ हुक्का गुड़गुड़ाय रहलौ छेलै आरो भनसाघरों में ओकरो दू जवान बेटी खाना पकाय रहलौ छेलै । बूढ़ा के जवान बेटा मकान के भीतरी कोठरी में कुछु काम करी रहलौ छेलै कि तखनिये एकाएक घात लगैनें एक ठो आदमखोर चीता दालान में घुसी ऐलै । संयोग सें बूढ़ा के नजर चीता पर पड़लै । ऊ चुप्पेचाप चारपाई सें उतरलै आरो खटिया कें खड़ा करी ओकरो आड़ों में खड़ा होय गेलै ।

हुन्नें लड़कियौ चीता कें देखी लेलें छेलै । पहिलें तें वै आपस में कुछु इशारा करलकै, फेनू आपनों-आपनों दुपट्टा हाथों में लेलें चुप्पेचाप चीता के पीछू दिश बढें लागलै ।

हिन्नें चीता बूढ़ा के खटिया पर नजर गड़ैनें आहिस्ता-आहिस्ता बढी रहलौ छेलै आरो नगीच आवी कें जबें वै खड़ा खटिया सें झुकी कें बूढ़ा कें देखै लें चाहलकै कि तभिये दोनों लड़कीं, जे इखनी तक चीता के पीछू एकदम नगीच आवी गेलौ छेलै, आपनों-आपनों दुपट्टा सें ओकरो मुँह लपेटै लेलकै आरो शोर मचैवों शुरू करी देलकै । आवाज सुनथें लड़को कोठरी सें निकली ऐलै आरो दुपट्टा में ओझरैलौ चीता के मूड़ी पर लाठी बरसैवों शुरू करी देलकै ।

आखिर में चीता वहीं पर ढेर होय गेलै । बाद में पता चललै कि ऊ आदमखोर चीता करीब दस आदमी कें आपनों कलौवों बनाय चुकलौ छेलै ।

खालिक चाचा पेशेवर शिकारी नै छेकात, बस शौकिया शिकार खेलतें रहलात । मजकि हुनकों पास हेनों-हेनों तजुरबा छै कि अक्ल हैरान रही जाय ।

चीता सें जुड़लौ आपनों यादाश्त कें कुरेदतें चाचां एक दाफी बतैलकै कि जबें हुनकों उमिर पच्चीस, छब्बीस सालों के छेलै, तभिये के बात छेकै । हुनी आपनों एक अंग्रेज दोस्त के पास धन्वा-मन्वा के जंगल गेलै, जे

अंग्रेज मित्र वही कैम्प करलें होलें छेलै । चाचां आपनों साथ एक बन्दूक आरो नौकरो साथ लै लेलें छेलै । होना कें हुनी बड़े शिकार लें निकललें छेलै, मजकि मुँह के मजा बदलै लेली छोटों-मोटों जानवरों के शिकार करी लै । जत्तें दिन हुनी जंगल में रहलै, हुनको रात वहाँ बितलै ।

एक दिन हुनी थकलें-मांदलें आपनों कैम्प में बैठलें छेलै कि एक मजदूर चीखतें चिल्लैतें वहाँ ऐलै । ऐतैं जमीन पर बैठी कें ऊ कानें लागलै । ओकरो बात समझै के ख्यालों सें अंग्रेज दोस्तें चाचा दिश देखलकै ।

मजदूरें बतलकै कि ओकरो भैंस जंगल के नगीच चरी रहलें छेलै कि चीतां हमला करी ओकरा मारी देलें छेलै । आबें ऊ प्रार्थना करै लें ऐलों छै कि हौ चीता कें मारी देलें जाय ।

चाचां आपनों अंग्रेज दोस्त सें ऊ चीता के शिकार पर निकलै खातिर इजाजत लेलकै । चाचां आपनों नौकर आपनों साथ लेलकै आरो मजदूर कें रस्ता दिखैतें जाय लें कहलकै । हुनी पहिलें आपनों आँखी सें ऊ जग्घों कें देखै लें चाहै छेलै, जहाँ चीतां भैंस पर हमला करलें छेलै ।

एक्के घण्टा में हुनका सिनी हौ जग्घा पर पहुँची गेलै । ई जग्घों तराई में छेलै आरो ओकरो दोनों दिश ढलवान छेलै । हौ ढलवानों पर छोटों-छोटों पौधा सिनी छितरलें छेलै । तेसरो दिश जंगल छेलै, जहाँ लम्बा-लम्बा घास उगलें होलें छेलै आरो ठामें बंसबिट्टी तरें मरलें भैंस सामनाहै पड़लें छेलै । भैंस पर गहरा जखम छेलै आरो खून जमी चुकलें छेलै । चाचां देखलकै कि भैंस रों गल्ला पर चीता के नुकीला दाँतों के गहरा निशान छेलै ।

नौकरें कहलकै, “राती ऊ चीता भैंस के माँस खाय लें जरुरे ऐतै; चीता आपनों शिकार मारी कें चल्लें जाय छै आरो राती लौटला पर खाय छै ।”

“तबें हम्में अइये ओकरो शिकार करवै” चाचां कहलकै, “तोहें सबटा इन्तजाम कर ।” ई कही हुनी कैम्प लौटी ऐलै ।

जबें तैयारी एकदम सें पूरा होय गेलै तबें चाचा आपनों बन्दूक आरो अंग्रेज दोस्त के राइफल लै कें जंगल पहुँचलै । एकठो चट्टान पर हुनका सिनी के बैठै के इन्तजाम करलें गेलै । ई जग्घों ढलान के एकदम नगीच छेलै आरो वहाँ सें भैंस के मरी चालीस-पचास हाथों के दूरी पर छेलै ।

तखनी जंगल में चारो ओर चाँदनी फैली चुकलौं छेलै । खालिक चाचा एकदम चौकन्ना होलौं बैठलौं छेलै । आहिस्ता-आहिस्ता जंगल रों सन्नाटा बढ़े लागलौं छेलै ।

अभी ज्यादा देर गुजरलौं नै होतै कि आहट रं होलै । चाचां चोरबत्ती के रोशनी में देखलकै—एक गीदड़ माँस के टुकड़ा मुँहों में दबैनें बढ़ी रहलौं छेलै । बिला शक ऊ भैंसे के मांस नोची कें भागलौं छेलै ।

एकरो बाद आधो घण्टा तांय एकदम सें सन्नाटा बनलौं रहलै ।

कि एकाएक चाचा कें अनुभव होलै, कि भैंस के नगीच केरों लम्बा घास हिली रहलौं छै । हेनों आवाजो ऐलै, जेना कोय जानवर भैंस के मरी कें खींची रहलौं रहें । चचा के दिल रों धड़कन तेज होय गेलै । हुनी रायफल संभाली कें चोरबत्ती के रोशनी फेंकलकै । मतरकि हौ चीता नै छेलै, एकठो बड़की जंगली बिल्ली—भैंस कें नोचवो करी रहलौं छेलै ।

एक घण्टा आरो गुजरी गेलै । आबें चाचा थकें लागलौं छेलै आरो कैम्प लौटी कें आराम करै लें चाहै छेलै । हुनी अभी खड़ा होले छेलै कि एकाएक ठिठकी पड़लै । सामनाहै चीता आपनों फैललौं चमकीला आँखी सें चारो दिश देखी रहलौं छेलै । आरो ओकरो नजर चाचा पर जमी गेलै । चाचा के माथा पर टोपी छेलै । हुनी साँस रोकी कें खड़ा रहलै ताकि चीता कें कोय शक नै हुएँ सकें कि वहाँ कोय इन्सान छुपलौं होलौं छै । चीता काफी देर तांय हुनकों टोपी दिश देखतें रहलै । आरो जबें ओकरा विश्वास होय गेलै कि टोपी सें कोय नुकसान नै पहुँचै वाला छै तें, ऊ बेखौफ होय आगू दिश बढ़लै आरो भैंस के मरी कें खावें लागलै । चाचा वास्तें ई मौका अच्छा छेलै । हुनी रायफल उठाय कें निशाना बांधलकै आरो चीता के मुड़ी ऊपर उठाय के इन्तजार करे लागलै । कुछवे देर बाद चीता मूड़ी उठैलकै कि चचां लबली दबाय देलकै ।

लेकिन फायर नै होलै । रायफल सें एकटा सिसकी रं आवाज निकली कें रही गेलै । असल में गलती चाचाहै के छेलै । हुनी रायफल कें ठीक ढंग सें बन्द नै करलें छेलै ।

ई आवाज होतैं चीता के कान खाड़ों भै गेलै । वैनें मूड़ी घुमाय हिनकों टोपी दिश देखलकै । तखनियो चाचा दम साधले खड़ा रहलै । हुनी अच्छा ढंग सें जानै छेलै कि जों चीता कें शक होय गेलै कि कोय छुपलौं

बैठलों छै तें, ऊ फौरन नौ, दू, ग्यारह होय जैतै आरू मौका हाथों सें जैतें रहतै ।

एत्तें देर तांय साँस रोकै के खाड़ों रहवों चाचा लें कठिन भै गेलै । रायफल पकड़लें रहला के कारणें हुनको हाथो दरद करें लागलें छेलै ।

चीता फेनू बेफिक्र होय गेलै आरो आपनों शिकार के नगीच टहलें लागलै । चाचां आहिस्ता सें आपनों रायफल ठीक करलकै आरो मौका के ताको में खड़े रहलै ।

चीतां टहलतें-टहलतें भैंस के नगीच रुकी के हवा में कुछ सूँघे के कोशिश करलकै । फेनू आपनों बड़ों रं मूँ खोली के जम्हाई लेलकै । यही मौका छेलै जबें चाचां गोली चलाय देलकै । गोली लगथें चीता कोय आवाजो नै करें पारलै आरो वहीं, नगीच के एक खद्दा में लुढ़की गेलै । आगू बढ़ै सें पहिलें चाचां एकटा आरो गोली चलाय लें चाहलकै मतरकि चीता बिजली के गति नाँखी उछली के भागलै आरो घास में गायब होय गेलै ।

रातो काफी होय चुकलें छेलै । ऊ जख्मी चीता रों पीछा करवों जान खतरा में डालवों छेलै । यही लें ई काम भोरको वास्तें छोड़ी के चचा कैम्प लौटी ऐलै । मतरकि भोर होतैं हुनी कुछ आदमी साथ लेलें घायल चीता के तलाशी में निकली गेलै । मरलों भैंस अभी तांय वही जग्घों पर पड़लें होलें छेलै ।

दोपहर तांय चाचा जंगल में भटकतें रहलै । आखिर एक झाड़ी के पत्ता सिनी पर खून के छींटा नजर ऐलै, साथ साथ हुनी चीता के बहुत हल्का गुर्राहटो सुनलकै । सब्भे सचेत होय गेलै । चाचां रायफल नौकर के हाथों में दै के ओकरा आगू भेजी देलें छेलै आरो आपने बन्दूक पकड़लें होलें छेलै । हुनी चीता के गुर्राहट सुनतैं बन्दूक के लबली पर अंगुली टिकाय लेलकै । सब्भे डरी रहलें छेलै कि कहीं चीता कोय झाड़ी सें निकली के वै सिनी पर हमला नै करी दै ।

आहिस्ता-आहिस्ता चलतें सब्भे वही जग्घा पर पहुँची गेलै, जहाँ सें चीता के साफ-साफ देखलें जावें सकें छेलै । सामनाहै एकटा छोटो किसिम के झील छेलै, ओकरे किनारी चीता आपनों घाव चाटवो करी रहलें छेलै ।

नौकरों चीता के देखी लेलकै । ऊ रायफल लेलें लपकतें होलें लौटी ऐलै । मतरकि चाचां बन्दूके से निशाना लगैतें गोली चलाय देलकै ।

लेकिन दुर्भाग्य हेने छेले कि चीता एक दहाड़ लगैतें नजर सें फेनू ओझल होय गेलै । चीतां चाचा के है दोसरो दाफी मांत देलें छेलै ।

हुनी फेनू आगू बढ़लै, आरो वहाँ तक पहुँची गेलै, जहाँ बैठी के चीता आपनो घाव वहे रं चाटी रहलें छेलै । हुनी वहाँ सें पिछुवाना शुरू करलकै, जहाँ लहू के बूंद टपकतें चल्लें गेलें छेलै । हुनी ओकरे सहारा चीता के पिछुवैतों शुरू करलें छेलै ।

आखिर एक बंसबिट्टी में चाचां लम्बा-लम्बा सांस लेतें चीता के देखलकै । चीताहों चाचा के देखी लेलें छेलै आरो उठे के कोशिश करें लागलें छेलै, मतरकि तब तांय चाचां एक गोली आरो दागी चुकलें छेलै ।

चीता आखरी दहाड़ साथें वही ढेर होय गेलै ।

“चोरबत्ती के रोशनी में निशाना लगाय के गोली चलैथें एक दहाड़ सुनैलै । हठाते वृक्ष के डाली चरमराय उठलै आरो रस्सी के बनलों पन्द्रह फिट वाला मचान डाली के टूटथें जमीनों पर आवी गेलै । किस्मत अच्छा छेलै कि डबल बैरल के बन्दूक हाथों सें छूटी के पत्थर सें जाय टकरैलै आरो पत्ता के छेदतें गोली बाहर निकली गेलै । ओत्तें ऊँचाई सें गिरला के बादो जयादा चोट नै लागलें छेलै ।

मचान टुटला के कारण रस्सी ई कदर उलझी गेलें छेलै कि मत पूछें । हममें बीच में लटकी रहलें रस्सी के सहारा झूलतें होलें जमीन पर आवी गेलें । जेना झूला के पेंग भरलें रहें आरो बीच में रस्सी किनारा करी गेलें रहें” खालिक चाचां आपनो शिकारी जिनगी के कहानी सुनाय रहलें छेलै आरो हममें बड़ी ध्यान लगाय के सबटा वृतान्त सुनी रहलें छेलां ।

“हों तें हममें कही रहलें छेलियों कि ऊ वक्ती केकरौ चोट-मोट के होशे कहाँ छेलै । बस जान बचावै के फिकिर छेलै । चोटैलों चीता कखनियो हमला करें सकें छेलै । मतरकि अगला पन्द्रह मिनिट तांय कोय हलचल नै होलै । सप्तमी वाला चाँद केरों रात छेलै आरो जंगल एत्तें घन्नों कि चाँदनी

नीचें तांय नै पहुँचै पारै ।

“कुच्छू देर साँस केँ रोकलें पड़ले रहलौं । फेनू आपना केँ संभाललां । घुटना आरो टखना पर सेँ चमड़ी छिली गेलौं छेलै आरो पतलुन तें एकदम खराब बेढंग किसिम सेँ फटी गेलौं छेलै, मतरकि देह केँ आरो हिस्सा सलामत छेलै । बन्दूको केँ पता नै छेलै, नै चोरबत्ती जलाय केँ गामें दिश जावें सकै छेलौं । जेना-तेना आपना केँ संभालतें एक गाछ पर चढ़ी गेलां । शिकार में हमेशेँ एक सेँ दू होवों अच्छा होय छै । मतरकि हौ दिन हममें असकल्लों आवी गेलौं छेलियै ।

“असल में पिछुलका केँ दिनों सेँ ई चीता लोगों केँ परेशान करी रहलौं छेलै । गाँव रों ढोर-ढांगर केँ तें नुकसान करवे करै, आबें ऊ एतें दिलेर होय चल्लों छेलै कि राह चलतें आदमियो केँ जख्मी करना शुरू करी देलें छेलै अस्पताल में पड़लौं तीन जख्मी आजो ओकरा कोसी रहलौं छेलै । गाँव केँ पंचायत नें कल्कटर केँ यहाँ शिकायत दर्ज करलें छेलै आरो हमरा ऊ चीता केँ खतम करै केँ आदेश मिली चुकलौं छेलै ।

“हमें आरो हमरों साथी उमेश राय निकली पड़लियै । गर्मी केँ दिन छेलै । एकाध स्थानीय शिकारियो केँ साथ लै केँ बात छेलै । मतरकि हेनों हुएँ नै सकलै ।

“ई गाँव शहर सेँ चालीस मील दूर छेलै । हमरा सिनी जीप सेँ तीन बजेँ रवाना होलां आरो रास्ता में रुकतें होलें पाँच बजेँ ऊ पड़ाव पर पहुँचलां, जहाँ सेँ गाड़ी आगू नै जावें सकें छेलै ।

“जीप ग्राम पंचायत केँ हाथें सुपुर्द करी आगू बढ़लां । तीन मील तांय पहाड़ी पगडंडी सेँ उतरतें-चढ़तें काफी वक्त लगी गेलै आरो जबें हमरा सिनी गाँव में दाखिल होलां तें सूरज छुपै केँ तैयारी करी रहलौं छेलै ।

“सफर केँ थकान भूली केँ हममें शिकार केँ बारें मेँ ढेर सिनी जानकारी लेलियै आरो चंचल पहाड़ी नद्दी केँ किनारी-किनारी फैललौं जंगल में ढुकी गेलियै ।

“गाँववाला, हमरा ऊ सब जग्घों दिखलैलकैँ जहाँ-जहाँ चीतां शिकार करलें छेलै । हममें नद्दी केँ ऊ हिस्साओ देखलियै, जेकरों आगू चट्टान सिनी केँ होला केँ कारणें पानी जमा होय रहलौं छेलै । आरो शेर, चीता, सूअर आरनी दोसरों, दोसरों जंगली जानवर पानी पीयै लें जरूरे ऐतें होतै ।

“हमरा सिनी बड्डी कोशिश करलिये कि चीता रों पंजा सिनी के निशान मिली जाय आकि फेनू कोय टटका मारलौ, आधौं खेलौं शिकारे । मतरकि हौ दिन हमरा सिनी के आरो कुछ ज्यादा मालूम नै हुए सकलै आरो हमरा सिनी आपनों तलाश के काम दोसरो दिन ले छोड़ी के गाँव लौटी ऐलां ।

“दोसरो दिन भुरकवा उगै के पहिलै हमरा दोनों बन्दूक लेले जंगल दिश निकली पड़लां । ऊ दिन हममें एक्को क्षण बर्बाद नै करै ले चाहै छेलिये, कैन्हें कि शिकारी आरो जवारी के एक्के बार दांव बैठै छै । या तें बाजी मांत या फेनू हार । एक दाफी शिकार हाथ सें निकली गेलौं तें फेनू ओकरो कोय भरोसौं नै ।

“सूरज के दू बांस चढ़ै तांय हमरा सिनी जंगल में भटकथें रहलां । जे हुए, एकरौ अन्दाजा तें लगिये गेलौं छेलै कि आइन्दा हमरा सिनी के भी करना चाही । चीता के घेरै ले हममें चार स्थान निश्चित करलिये, जे एक दूसरा सें मील, डेढ़ मील सें ज्यादा दूरी पर नै छेलै । गाँववाला के राजी करी आरो कीमतो दै हममें चार बकरा मंगवैलां आरो तीन्हें बजे ऊ बकरा सिनी के निश्चित स्थानों पर बंधवाय देलिये ।

“हमरो योजना ई छेलै कि दू जग्घा पर बकरा बांधी के दू आदमी के गाछी पर बैठाय देलौं जाय ताकि बकरा पर नजर रखे सकें । जेन्हें चीता बकरा पर हमला करै, ऊ शोर शराबा करी के ओकरा भगाय दौ । फेनू मौका पावी हममें आकि उमेश राय वहाँ पहुँची जाय आरो चीता के लौटला पर ओकरो शिकार होय जाय ।

“चीता के लौटवौं निश्चित छेलै । ऊ आपनों शिकार बनैलौं जानवर के बादे में खाय छै । बाकी दू जग्घा ले हममें ई योजना रखले छेलिये कि रस्सी के मचान बनाय के वै पर बैठौं, आरो जों चीता बकरा के नगीच आवै छै तें ओकरा शिकार करी लौं । शाम होतहैं ई किंछा हठाते दिल में उभरी ऐलै कि कैन्हें नी हममें असकल्ले ऊ चीता के शिकार करौं । मतरकि लाचारी ई छेलै कि उमेश राय हमरो साथ छेलै । ऊ हालतों में हममें हुनका हेनौं जग्घा में बैठैलिये जहाँ चीता रों आवै के उम्मीद एकदम कम सें कम छेलै । यही नै, हममें तीनो स्थानों पर दू-तीन चक्करो लगाय लेलिये कि चीता बकरा लुग पहुँचलै कि नै । मतरकि सूरज डूबै तांय ऊ नै ऐलै ।

“आखिर में हमरा सिनी ऊ रात जंगलै में गुजारै के योजना बनैलियै। रात भरी जागवों जरूरी छेलै, यही लें हम्मं कुछ बिस्कुट खाय कें आरो गरम-गरम चाय पीवी कें संतोख करी लेलां ।

“धीरें-धीरें सन्नाटा फैली गेलै । रात के काफिलो आहिस्ता-आहिस्ता बढ़े लागलै । आरो हमरा हेनो लागें लागलै कि जेना रातो चौकन्ना होय गेलों रहें ।

“हम्मं इन्तजार करतें रहलियै मतरकि चीता आधो रात तांय हमरों बकरा के नगीच नै ऐलै । जहाँ दू हिस्सा में दोसरों लोग बैठलें छेलै, वहाँ चीता चक्कर काटी चुकलें छेलै, आरो एकरों पहिलें कि ऊ बकरा नगीच पहुँचतियै, हो-हल्ला करी कें चीता भगाय देलें गेलों छेलै ।

“ठीक आधों रात के वक्ती चीता हमरों दिश बढ़लै आरो बकरा पर हमला करी देलकै आरो रस्सी तोड़ी ओकरा मुँह में दबाय कें भागै के कोशिश करें लागलै । ठीक हेने वक्ती पर हम्मं चोरबक्ती के रोशनी फेंकी निशाना लगैलियै । कि तभिये हमरा दहाड़ सुनाय पड़लै । हमरा दोसरों फायर करै के मौको नै मिललें छेलै आरो हम्मं नीचें गिरी गेलों छेलियै ।

“एकदम भोरे-भोर सब घटनास्थल पर पहुँची गेलै । गाँव में नै जानों ई खबर केना फैली गेलों छेलै कि हम्मं चीता रों लपेटों में आवी गेलों छियै आरो बड़्डी गंभीर रूपों से घायल होय गेलों छी । पचासो लोग हमरा देखे लें दौड़ी पड़लें छेलै । उमेश राय नें प्रारम्भिक उपचार के रूपों में हमरों घावों पर मरहम पट्टी करी देलें छेलै आरो हम्मं अगला योजना लेली तैयार होय गेलियै । गाँव वाला सिनी कें वही ठहराय लेलें छेलियै ।

“सबसे पहिलें हम्मं आपनों बन्दूक संभाललां । चोरबक्ती के शीशा टूटी कें बिखरी गेलों छेलै, मतरकि बन्दूक सही सलामत छेलै, भले ही बकरा वहाँ मरलें होलें छेलै, जैठां चीता गिरलें छेलै, वैठां लहू केरों धब्बा साफ दिखावै छेलै ।

“एकरों मतलब साफ छेलै कि हमरों कोय गोली जरूरे चीता कें लागलें छेलै । मतरकि हे नै कहलें जावें सकें छेलै कि ऊ कत्तें चोटैलों छेलै । जे भी हुए, आबें ओकरा खोजी निकालना बहुत जरूरी छेलै, केन्हें कि चोटैलों जानवर दोसरों जानवरों से ज्यादा खतरनाक होय छै । फेनू ई तें जंगली चीता छेले, जे आय नै तें कल गाँव वाला से आपनों बदला जरूरे

लेलियै ।

“पहिलें हम्मं ई पता लगैवों जरूरी बुझलियै कि चीता आखिर गेलों छै कौन दिश आरो कहाँ तक गेलों छै ? एकरों लेली हम्मं खून आरो पंजा के निशान के पहचान करलियै । बकरा सें लगभग दू तीन फलाँग के दूरी तांय हमरा खून के बूंद दिखैतें रहलै, ओकरों बाद सब निशान गायब छेलै । एकरों मतलब साफ छेलै कि ऊ चीता एकरों बाद सामना वाला नदी में उतरी गेलों छेलै आरो एकरों बाद पहाड़ी के कोय हिस्सा में छुपी के बैठी गेलों होतै ।

“दू तीन मील के घेरा के पहाड़ी के चक्कर काटी हम्मं ई अन्दाज करलियै कि चीता पहाड़ी के भीतरे कहीं छै, कैन्हेंकि चीता के पंजा रों निशान आकि खून रों धब्बा आगू कहूँ नजर नै ऐलै । यही लें ई तै छेलै कि चीता यहे पहाड़ी के कोय झाड़ी में छुपी के बैठलें छै । आरो ओकरा बाहर निकालै लेली हाँक लगवैवों जरूरी छेलै । घायल शेर आकि चीता के दूढ़े लेली हाथी सें हाँक लगवैवों अच्छा होय छै । मतरकि हमरा वास्तें ई संभव नै छेलै । से पैदले हाँक के खतरा मोल लै लें लागलै ।

“पहाड़ी के गाछ सिनी पर नगीच-नगीच आदमी के बिठाय देलियै आरो ऊ सब के बताय देलियै कि जेन्हें के चीता हाँका तोड़ी के आगू बढै, ऊ सिनी हो-हल्ला करे लागै आरो ओकरा हमरों ओर लौटाय दै ।

“उमेश राय पहाड़ी रों ऊपरी पगडंडी पर पहुँची गेलै, जहाँ सें हुनी डेढ़ सौ गज के दूरी तक अच्छा नाँखी चारो दिश देखे सकें छेलै ।

“तखनी हम्मं गाछी पर नै चढ़े सकै छेलां, यहे लें हमरा हाँका वाला सिनी के साथे रहै लें पड़लै । आधों चाँद के शकल के घेरा बनाय के हमरा सिनी पहाड़ी के घेरी लेलियै आरो पोटाश के गोली छोड़तें झाड़ी सिनी के पीटे लागलियै ।

“हमरा सिनी पहाड़ी के पीछू सें हाँका शुरू करलें छेलियै आरो आधों सें अधिक ऊपर पहाड़ी पार करी चुकलें छेलियै । हाँका में कुछ जंगली मुर्गा, खरगोश आरनी निकली के भागलै, मजकि नुकलों चीता कहूँ नजर नै ऐलै । एक ठो लकड़बग्घो दिखैलै, जेकरा उमेश राय नें गोली चलाय के ढेर करी देलकै ।

“पहाड़ी रों सिरा पर पहुँची के हमरौ सिनी थोड़ों देर सुस्तावै लें

बैठी गेलियै । वहाँ से देखला पर अन्दाजा लागलै कि पहाड़ी के दायां दिश ढालान छै आरो ई ढालान नदी के पार करी दोसरो दिश घन्नों जंगल से जाय मिललौ छै ।

“हम्मं सोचलियै, जों चीता एक दाफी नदी पार करी ऊ घन्नों जंगल में घुसी जाय छै, तबे हमरो सब करलौ-करैलौ चौपटे होय जैतै ।

“हम्मं जानी लेलें छेलियै कि चीता हाँका तोड़ी के यहाँ से निकलै के चेष्टा करतै, आरो हमरो कोशिश ई छेलै कि ओकरा केन्हीं के घेरी-घारी खुल्ला मैदान में उमेश राय दिश बढ़ावौं ताकि आसानी से ओकरा निशाना पर लेलौ जावें सकें ।

“नै जानौं की सोची के हम्मं आपनो पोजीशन बदली लेलियै आरो पहाड़ी के दायां दिश वाला टोली साथे होय लेलियै, जन्ने ऊ जंगल पड़े छेलै ।

“हम्मं फेनू तेजी से हाँका शुरू करलियै । पहाड़ी हो, हो, हो के आवाज से गूजी रहलौ छेलै ।

“कि हठाते पहाड़ी के बायां दिश से गाछी पर चढ़लौ लोगे कपड़ा हिलाय के संकेत देलकै कि चीता आवी गेलौ छै । आरो अपनो जग्घा से उठी के रवाना होय चुकलौ छै ।

“सुनतै, हम्मं सावधान होय गेलियै । बायां दिश से, हिन्ने-हुन्ने से चीता के भागे के आवाज आवे लागलै ।

“रुकते, थमतें आरो टोह लेते चीता हौले-हौले बढ़ी रहलौ छेलै । ऊ जहें रुकै के कोशिश करै, गाछी पर चढ़लौ लोगे ओकरा भगाय दै । आखिर ऊ पहाड़ी से नीचू दिश उमेश राय के ओर बढ़े लागलै ।

आरो जबे उमेश राय के गाछी से दू सौ गज के दूरी तांय पहुँचले ते, वहाँ एकटा खड़ा चट्टान के ओटो में खड़ा होय के अन्दाजा लगावें लागलै कि आखिर ऊ कन्ने जाय ।

“फेरू वैनै बिजली गति से छलांग लगैलकै आरो दौड़ें लागलै । ओकरो रुख वहे घन्नों जंगल दिश छेलै । ई सब एते तेजी से होलै कि उमेश राय के गोली चलावे के कोय मौके ने मिललै । हाँका के वजह से पहिले ते ऊ विपरीत दिशा में जाय रहलौ छेलै, मतरकि आबे ऊ जंगल में घुसे ले दौड़लौ जाय रहलौ छेलै । यानी कि बिजली के तेजी से हमरो दिश चल्लौ आवी रहलौ छेलै ।

“खुशकिस्मती से ई तरफ चढ़ाव छेलै ये लेली हमरा संभलै रौ मौका मिली गेलै । मुश्किल से डेढ़ मिनट गुजरलौं होते कि हममें आरो चीता आमना-सामना छेलियै । दोनों के बीच के दूरी लगभग दस गज के दूरी के होतै । चीता ठहरलै, आबे ओकरो चमकतें, आगिन बरसैतें आँख हमरै पर टिकी गेलै ।

“चीता चाहै छेलै कि हममें रस्ता से हटी जावं आरो हममें ई कोशिश में छेलियै कि चीता जो कन्नी कटाय के निकलै तें हममें गोली चलावौं । मतरकि हमरा दोनों के ई किंछा पूरा होय से रहिये गेलै । चीता एक दाफी गुर्रलै आरो हमरों ऊपर छलांग लगाय देलकै । हममें तें पहिलें से तैयार छेवे करलियै । चीता के छलांग लगैथें हममें लबली दबाय देलियै । गोली ओकरो पेट में लगलै । गोली लगै भर के देर देलै कि चीता गिरी पड़लै । तभियो ओकरो छलांग एतें लम्बा आरो तेज छेलै कि हमरे लुग आवी के ऊ गिरलै । हममें बड़ा फुर्ती से पाँच, छौं गज पीछू हटी गेलियै । बन्दूक सीधो करवों नै भुललौं छेलियै । मतरकि हमरों दुर्योग ले उतना समय काफी छेलै । चीता एक दाफी फेनू उछललै आरो ओकरो दोनों अगलका पंजा हमरा बदन पर ठीक ठाक जमी गेलै । ऊ समय बदन में आगिन रौ एक लहर गोड़ से मूड़ी तांय दौड़ी गेलै । हमरा बेहोशी आवे लागलै । मतरकि सच्चाई तें यहें छेकै कि जिन्दगी सबके प्यारो होय छै । जान बचावे के फिक्र नें हमरों होश ठिकानों पर लानी देलें छेलै, आरो हममें हौ खुल्ला जबड़ा में, जे हमरों गर्दन दिश बड़ी रहलौं छेलै, बन्दूक रौ कुन्दा ठूसवों शुरू करी देलियै । आरो चीता छेलै कि पीछू हटै या पंजा हटाय के बदला बन्दूक कुन्दे मुँह से दबाय के चवावे लागलै ।

“बन्दूक के कुन्दा चबावे वक्ती हमरों बदन पर ओकरो पंजा के पकड़ ढीला पड़ी गेलै । हममें एकरा अच्छा मौका समझतें ओकरा आपनों पूरा ताकत लगाय के धकेली दलियै । बन्दूक उठैलियै । मजकि है बीचों में चीता फेनू से छलांग वास्ते देह समेटे लागलौं छेलै । कि ठीक तखनिये हममें बिना निशाना लगैलै लबली दबाय देलियै ।

“एकरा हमरों सौभाग्ये कहौं कि गोली ओकरो खोपड़ी तोड़तें होलें निकली गेलै । चीता दू तीन फीट हवा में उछललै, आरो जमीन पर ढेर होय गेलै । गोली के आवाज पर उमेश राय आरो दोसरो लोग गाछी से

उत्तरी-उत्तरी दौड़ी पड़लै ।

हमरा पर एक दाफी फेनू बेहाशी छावें लागलौ छेलै ।

ऊ दिन खालिक चाचा बैठलौ-बैठलौ हुक्का गुड़गुड़ाय रहलौ छेलै । उर्दू अखबार पढ़ी रहलौ छेलै कि तखनिये हम्मं पूछी लेलियै, “तोहें कभियो शेर के शिकार करलें छौ ?”

तें हुनी जोरदार कश लेतें बोललै, “शेर सें संबंधित ढेरे याद हमरौं दिमागौं में छै । ऊ सिनी कें जों समैटै लें बैठै छियै तें बदन में जवानी जेहनों गरमी दौड़ें लागै छै ।” एतना बोलतहें हुनी जोर-जोर सें हुक्का गुड़गुड़ावें लागलौ छेलै ।

“कैन्हें नी आय तोहें शेर सें संबंधित ऊ यादों कें समेटों आरो शेर संबंधी कुछ अनुभव हमरौ बतावों ।” हम्मं उत्सुकता में आपनों इच्छा प्रकट करलियै ।

कुछ देर ध्यानस्थ रहला आरो हुक्का गुड़गुड़ैला के बाद हुनी बोललै, “अच्छा तें सुनों, शेर के क्रिया-कलाप पता लगावै वास्तें भोरकों समय बढ़िया होय छै । ऊ समय के मौसमो अच्छा रहै छै । फेनू रातकों सब्भे टा पदचिन्हो सुरक्षित रहै छै । फेनू ऊ वक्ती दोसरो जंगली जानवर चलें फिरें लागै छै, जेकरों मदद सें शेर के क्रियाकलाप रों पता लागै छै । एतन्है नै, भोरे आठ-नौ बजें तांय तें बन्दर, मोर, सांभर, चीतल आरनी के किसिम-किसिम के आवाजो सें शेर के क्रिया-कलाप के बारे में पता लगैलौं जावें सकै छै ।”

“हौ केना कें ?” हम्मं उत्सुकता जाहिर करलियै ।

“उदाहरण के तौर पर बन्दरे कें लें । बन्दरो शिकारी वास्तें मददगार सिद्ध होय छै । कहलौं जाय छै कि शेरनी आपनों बच्चा कें मोर आरो बन्दरे के जरिया सें शिकार करै लें सिखाय छै । आरो यहू दोनों शेर सें बहुत होशियार, खबरदार रहलौं ।”

“अच्छाSSS ! मजकि तोहें आपनों अनुभव बतावों ।”

“एक दाफी के बात छेकै, हम्मं धन्वा-मन्वा के जंगल में शेर के पंजा के निशान के मदद सें ओकरा पिछुवाय रहलौ छैलियै कि एकाएक ढलान शुरू भै गेलै । जों हम्मं आरो कुछ कदम बढ़लौ होतियै तें सीधे नीचें खाई में होतियै । ठीक व्हें वक्ती बन्दर सिनी के चीख सुनाय पड़ें लागलै । हम्मं नजर दौड़ैलियै तें कुछवे दूरी पर एकटा भोकसों शेर के मूड़ी आरो पुट्टों दिखाय पड़लै । ठीक य्हें बीचों में एक दोसरा शेरें भयानक दहाड़ लगैलकै ।

हम्मं गाँव रों मुखिया के हाथी साथें लानलें छेलियै । आबें वै पर सवार होय कें शेर के तलाश में निकली पड़लियै । कुछवे दूरी तै करलें होवै कि एक शेर दिखाय पड़लै । हम्मं हौदै सें निशाना लगैलियै आरो तीन औंस के गोली ओकरो माथा पर दागी देलियै । एतें आसान शिकार हमरा आपनों जिन्दगी में कभियो नै मिललौ छेलै । वै दिशों सें जबें कोय आवाज नै ऐलै तें, हम्मं नगीच जाय कें देखलियै, शेर सचमुचे में ढेर होय चुकलौ छेलै ।

फेनू हम्मं दोसरो शेर के तलाश में आगू बढ़लियै, जे बेशक फल्गू नदी के दिश जामुन के जंगल में गुम होय गेलौ छेलै । काफी भाग-दौड़ के बाद ओकरौ खोजी निकालियै, जे तखनी आपनों अगला पंजा पर सिर टिकैलें शैतान नांखी बैठलौ छेलै । मौका चूकै लें की देतियै । हम्मं निशाना साधलियै । गोली खैहें शेर बड़ी जोर सें दहाड़लै ।

हम्मं महसूस करलियै कि हमरों हाथी शिकार के मामला में नया छै, तभियो वैनें बड़्डी बहादुरी आरो धैर्य के परिचय देलकै । जखनी शेर लगभग ओकरो अगला पैर के बीचों में पड़लौ छेलै, तहियो हाथी घबरैलै नै । ऊ जरा हटकी जरूरे गेलै ।

वास्तव में, शिकार में टुटलौ कमर टुट्टा घायल शेर केरों दिल दहलाय दै वाला दहाड़ सें ज्यादा भयावह दोसरो नजारा होवो नै करै छै । वें आपनों आस-पास रों पत्थर, झाड़ी आरो खुद आपनों देहो के कचूर निकाली दै छै । आबें आरो एक गोली चलाय कें ओकरा ओकरो दुख आरो तकलीफ सें मुक्ति दै देना हमरों लेली जरूरी फर्ज बनी गेलौ छेलै ।

ऊ शेर के शिकार लेली हौ राती हम्मं भैंस के एक बच्चो बंधवैलियै, मतरकि हौ राती हम्मं ओकरा ढूँढै में नाकामे रहलियै, कैन्हेंकि हमरों हाथी

बीच्छै में चिग्घाड़ी कें सबटा काम बिगाड़ी देलें छेलै ।

मतरकि दोसरो रात हम्मं ओकरा ढूँढिये निकालियै । एक सांभर हमरो नगीचे चिल्लैलौ छेलै । हम्मं मुड़ी कें देखलियै तें देखलियै कि ओकरो चीखे के कारण सामनाहै में मौजूद छेलै । फेनू की छेलै, हम्मं शेर पर गोली चलैलियै । घायल होतैं वैं छलांग लगैलकै आरो आगू दिश भागी गेलै । हम्मं हाथी कें तेज-तेज हाँकलियै आरो पिछुवैतें ओकरो नगीचे पहुँची गेलियै । एक ठियां रुकी कें घायल शेर घुरी कें हमरा देखलें छेलै कि हम्मं तखनिये गोली चलाय देलियै । मतरकि है बात सच्चे छेकै कि बड़ी मुश्किल सें हम्मं ऊ शेर कें मारें सकलें छेलियै ।

यैठां हम्मं एकटा आरो मददगार शिकारी के जिकिर करवौं, जेकरा लोगें मुंशी जी कहै छेलै । ऊ एतै मोटों बेडौल आरो बदसूरत छेलै कि आपन्हें कहतें रहै कि हमरा तें कोय शेर खाय के बारे में नै सोचें पारें । बच्चा-बुतरू ओकरा देखतैं ई गीत गावी उठै,

एतें केना मोटावै छै
थुलथुल धुम्माँ आवै छै
माथों दूधों के चुक्का रँ
केकरो-केकरो हुक्का रँ
पेट भोजों के हड़िया रँ
माथों लगै छै कुड़िया रँ
मिनिर-मिनिर की गावै छै
थुलथुल धुम्माँ आवै छै
गोड़ उठै छै थुबुक-थुबुक
चिड़ियें नाँखी फुदुक-फुदुक
पिन्हलें छेलै नया खड़ाम
धुम्माँ गिरलै चित्त धड़ाम
कुरल्लों जाय नेंगचावै छै
थुलथुल धुम्माँ आवै छै ।

मुंशी जी आपनों पहिलकों जिनगी उत्तरी हिन्दुस्तान में राजा-रजवाड़ा वास्तें बाज इकट्ठा करै आरो हुनका सिनी कें शिकार के तरीका सिखावै में बीतलौ छेलै ।

रेत पर जंगली जानवर के गोड़ों के जे निशान बनी जाय, ओकरा वैं आसानी सें पहचानी जाय । हेना कें तें ऊ एकदम मुख्र जट्टर छेलै, मजकि ओकरो नजर बड़ी तेज छेलै । शेर के क्रियाकलाप के खबर दै में तें ऊ बड्डी चालाक आरो माहिर छेलै । जब तक खुद आँखी सें नै देखी लेलकै, कभियो वैंने हमरा शेर के उपस्थिति के खबर नै देलकै । ऊ खुद निश्चिन्त नै होय गेलै, ओकरा भरोसा नै होय गेलै । शेर के पास निहत्था चल्लो जाय के अद्भुत साहसो ओकरो पास छेलै । हेना कें ओकरा मौका कभियो नै ऐलै ।

खालिक चाचां आगू बतैलें छेलै कि मुंशी एक दाफी आपनों एक रिश्तेदार के शादी में गेलै । शहर ऐलो छेलै आरो तभिये सें यहाँकरे बनी कें रही गेलै । कोय्यो शिकारी के हैसियत सें ओकरो परिचय हमरा देलें छेलै आरो तभिये सें हम्मैं अक्सर ओकरा शिकार पर लै लियै ।

“एक दाफी के बात छेकै । कैम्प में हमरा तेज बुखार आबी गेलै ।” खालिक चाचां बड़ी रौबदार अन्दाज में कही रहलें छेलै, “मुंशी हमरो साथ छेलै, हम्मैं ओकरा कुछ चिड़ियां मारी कें लै आनै लें कहलियै । ऊ जंगल दिश निकललै तें संयोगे सें ओकरा एक ठो शेरनी दिखाय पड़ी गेलै । ऊ तें उल्टे पाँव हमरो लुग लौटी ऐलै आरो सब हाल सुनैलकै ।

“मतरकि हम्मैं तें बीमार छेलियै, से नै जावें सकलियै, मतरकि मुंशी कें शौक के सनक सवार होय गेलै । वैं शेर कें मारै लें चाहै छेलै तें, हम्मू रोकलियै नै, इजाजत दै देलियै । हमरो कहले मुताबिक वैंने एक बछड़ा नगीच में बांधी ऐलै आरो एक ठो गाछी पर चढ़ी शेरनी के इन्तजार में बैठी रहलै । शेरनी ऐलै आरो आपनों जांघ में मुंशी के गोली खाय कें घन्नों जंगल में घुसी गेलै । बहादुर मतर मुख्र मुंशी भोर होतैं घायल शेरनी के खून के बूंद के सहारा ओकरो पीछा करवो शुरू करलकै, मजकि जल्दिये ओकरो समझ में ई बात आवी गेलै कि बिना शिकार रो किंछा के शेर कें पिछुवैवो आरो बन्दूक लैके शिकार के किंछा सें शेर केरो पीछा करवो में भारी फरक छै ।

“ऊ मुश्किल सें कुछवे कदम आगू बढ़लें होतै कि शेरनी आवी दबोचलकै । बन्दूक ओकरो हाथो सें छूटी कें दूर जाय गिरलै । चोटैलो शेरनी ओकरा पछाड़ी देलकै । है तें मुंशी के भाग्ये छेलै कि जबे शेरनी

आपनों गुस्सा उतारी चुकलै तें, ओकरा छोड़ी कें चली देलकै ।

बाद में अरमरैतें मुंशी कें मीलो दूर जहानाबाद के एक अस्पताल में आनलों गेलै, जहाँ ओकरो ढेरे दिन तांय इलाज चलतें रहलै । मतरकि ओकरो बहादुरी में कोय फरक नै पड़लै । ओकरो आँखी सें बदला लैके आगिन निकलतें रहै । वैं एक दिन कहलकै कि जों हमरा जिन्दा देख लें चाहै छौ तें हौ शेरनी कें मारी हमरों सम्मुख लानी दें ।

ऊ आपन्हें तें साथ जावें नै सकै छेलै, कैन्हेंकि तभियो तांय ओकरो घाव भरलें नै छेलै । हम्मं मुंशी के कदर करै छेलियै आरो स्थानीय लोगों सें अपनत्वो राखै छेलियै । फेनू ऊ सब के डर कें समझै छेलियै जे सिनी घायल शेरनी कें मारी दै पर दवाब दै रहलें छेलै ।

आखिर एक दिन मुंशी कें बिना बतैले हम्मं व्हें रं के तेज बुखार में शेरनी के शिकार के टोह में निकली पड़लियै ।

एकरा संयोगे कहों कि शेरनी के तलाश में हम्मं निकललें छेलियै, मजकि हमरा सें पहिलें शेरनिये हमरा पावी लेलकै । अभी हमरो साथी गाछी पर चढ़ो नै पारलें छेलै आरो हम्मं संभलो नै पारलें छेलां कि शेरनी हमरों ऊपर झपटी पड़लै ।

हम्मं देखलियै—ऊ दुबली-पतली शेरनी एक हेनो बिल्ली नाँखी नजर आवी रहलें छेलै, जेकरा कुत्तां घेरी राखलें रहें ।

पहलें दू गोली ठीक निशाना पर लागलै, मजकि गोली ओकरा छलांग लगावै सें नै रोके सकलकै । तेज बिजलिये नाँखी ऊ झपटतें होलों हमरों हाथी के सूँड़ के एकदम नगीच आवी गेलै ।

हम्मं तें हक्का-बक्का छेलियै । मतरकि हौ समय एकरों कहाँ छेलै कि गोली खैयो कें दमखम साथें छलांग लगैतें शेरनी के तारीफ करलें जाय आकि कोय अभिभूत हुएँ । हम्मं एक गोली आरो चलाय देलियै, जे शेरनी के गल्ला सें होतें ओकरी छाती में धसी गेलै । आबें तें ऊ एकदम मजबूर छेलै, मतरकि आचरज, ओकरो गोस्सा में तहियो कोय कमी नै ऐलें छेलै । ऊ जोर-जोर सें दहाड़ें लागलै आरो पंजा पटकें लागलै । ओकरो ऊ हालत तखनी तांय रहलै, जब तांय ओकरो दम नै टूटी गेलै ।

हम्मे मुंशी के ओरी सें बदला लै लेलें छेलियै । मतरकि मुंशी ओतें भयानक आरो गंभीर रूपों सें घायल होला के कारणें बचें नै पारलै ।

अस्पताले में चली बसलै । बस आपनों यादे छोड़ी गेलै ।

गर्मी छुट्टी में हमरा सिनी खालिक चचां कन गेलों होलों छेलियै । सोचै छेलियै कि चाचा के फुर्सत मिलें आरो हमरा सिनी शिकार के किस्सा सुनियै । आखिर एक शाम हुनका फुर्सत में देखी के हमरा सिनी हुनका घेरी लेलियै आरो याद के ठीक करतें शिकार के कोय घटना सुनाय लेली जिद करलियै ।

बहुत आग्रह के बाद हुनी कहना शुरू करलकै “एक दाफ्री करीब-करीब एक हफ्ता तांय हममें एक आदमखोर शेर के शिकार के फेरा में परेशान रहलियै । लगभग दस आदमी के वै अब तांय मारी चुकलों छेलै । ओकरो डरों से सड़को तक बन्द आरो सुनसान होय चुकलों छेलै । हौ सड़क सिनी में एक तें एकदम खास छेलै, जे मखदमपुर के सागोन वाला जंगल में फल्गू घाटी तक जाय छेलै । तखनी हौ समय रेल के पटरी बिछैलों जाय रहलों छेलै । कामो जोरों से चली रहलों छेलै । मतरकि हौ आदमखोर के कारणें स्तिपर के ठेकेदार सिनी के काम लगभग बन्द होय गेलों छेलै । शेरें तीस चालीस मील वर्ग के इलाका में दहशत फैलाय राखलें छेलै ।

हममें सर्वेक्षण के बाद ई अन्दाजा लगैलियै कि ई काम खाली एक शेर के नै हुएँ पारें आरो जल्दिये ई सच्चाई जाहिरो होय गेलै ।

एक शेर मारलों गेलै, मतरकि आदमी अभियो गायब होय रहलों छेलै । मुंशी हौ दिनों में हमरों साथें छेलै, जे ऊ शहर से जुड़लों किसिम-किसिम के खबर हमरा सुनैतें रहै कि लोगें शेर के मोटों-ताजा बनावै छै आरो यहू कहै कि हौ शेर के कप्पाड़ों पर पूर्णिमाशी के चांद रं निशान छै । लोगों के यहू कहना छेलै कि वै राह चलतें मुसाफिर के टोली के रोकी दै आरो आपनें जमीन पर लोटें लागै । फेनू डरलों मुसाफिर के जानै के कोशिश करै, फेनू वैमें से सबसें मोटों आदमी चुनी के लै जाय । ई सब बातों के साथ यहू बात मशहूर छेलै कि वै जबें चाहें, कोय्यो शकल में अपना के बदली लै के ताकत

रखै छेलै । अक्सर ओकरा शुद्धों-साद्धों लकड़हारा रूपें में देखलौं गेलौं छेलै । यहू कहलौं जाय छेलै कि वैं जत्तें लोगों कें मारनें छेलै, ओकरों आत्मा ओकरा पर सवार रहै छेलै ।

हेने सब अजीब आरो अविश्वसनीय बात ऊ शेर के बारे में प्रचलित छेलै, जे जरूरे मनगढ़न्त और भयभीत दिमाग करों उपज छेलै ।

तहियो हम्मैं ऊ शेर कें मारै के ठानी लेलियै । हम्मैं हाथी पर सवार होय के चरखेरा गांव दिश खाना होय गेलियै । हमरों साथें बारह, पन्द्रह आदमियो छेलै, जे सिनी कें हांका वास्तें लेलौं गेलौं छेलै । जाय वक्ती रास्ता में कत्तें नी वीरानों गाँव कें देखलियै, जहाँकरों लोग ऊ आदमखोर शेर के डरों सें घोरै छोड़ी कें भागी गेलौं छेलै ।

चलतें-चलतें हम्मैं एक नाला लुग पहुँचलियै, जेकरों चारो दिश घन्नों जंगले सें घिरलौं छेलै । वही ठियां बसलौं गाँव सें हमरा कुछ मुसाफिर कें शेर द्वारा पकड़ै जाय के खबर मिललौं छेलै । घटनास्थल पर खून रों द ाब्बा, फटलौं-चिटलौं कपड़ा आरो हड्डियो गवाह के रूपों में मिललै ।

तखनी शाम होय रहलौं छेलै आरो हम्मैं थकियो गेलौं छेलां । एतनै में हमरों हाथी के बगल में चली रहलौं एक आदमी रुकै के इशारा करलकै । असल में वैं शेर के पंजा के निशान देखी लेलें छेलै । तखनी शाम हुएँ लागलौं छेलै । सूरज गाछी रों ओट में जाय चुकलौं छेलै ।

रात में शेर के तलाश करवों बेकार आरो खतरनाक बुझी कें हमरा सिनी वही ठां खेमा डाली देलिये आरो सुस्तावें लागलियै ।

भोरे उठी हम्मैं नाला दिश गेलियै, मतरकि कोय निशान नै मिललै । लौटी कें नाश्ता करै लें बेठले छेलियै कि बनजारां सिनी आवी कें बतैलकै कि ऊ सब के एक आदमी कें शेर उठाय लै गेलौं छै ।

हम्मैं बिना नाश्ता करलै घटनास्थल पर पहुँची गेलियै । देखलियै शेरें ऊ बनजारा कें घसीटी नाला तांय लै गेलौं छेलै । वैठां तक तें निशान साफ छेलै, मतरकि ओकरों बाद ऊच्चों-उच्चों घास शुरू होय गेलौं छेलै, जे हौदा तांय पहुँची रहलौं छेलै ।

यैठां हमरों हाथीं एक दाफी जोर सें जमीन पर लात मारलकै आरो सूँढ़ ऊपर करी चिगघाड़ी उठलै । ओकरों बादे लम्बा-लम्बा घास हिलतें नजर आवें लागलै । हमरा सिनी तेजी सें आगू बढ़लियै आरो जल्दिये ऊ अभागा

बनजारा लुग पहुँची गेलियै, जेकरो आधो शरीर शेर के भोजन बनी चुकलो छेलै ।

हालाकि हमरा एक पीरो रं चीज जरूरे नजर ऐलै, मतरकि घास के लम्बा होला के कारणे निशाना साधवो एकदम कठिन छेलै आरो फेनु हम्में फायर करै के हालतो आकि स्थिति में नै छेलियै । आगू चली के रास्ता पथरीला होय गेलो छेलै आरो कोय निशानो नजर नै ऐलै । हम्में सौंसे दिन भटकते रहलियै । आहिस्ता-आहिस्ता साँझको धुंधलका अन्हरिया रातो में बदलवो शुरू भै गेलै । हुन्ने भूखो से हमरो सिनी के हालतो विचित्र होलो जाय छेलै ।

ऊ ते खैर मनावो कि नजदीके एक-ठो गाँव दिखी गेलै । ऊ रात हमरा सिनी के वहे छोटो रं के गाँव में गुजारै ले पड़लै । एकदम भोरे भोर हम्में नदी दिश रवाना होलियै आरो ई देखी हमरो खुशी के ठिकानो नै रहलै कि वहाँ शेर के निशान मौजूद छेलै । हम्मू लोगो के इकट्ठा करलां । मुंशी हमरा विश्वास दिलैलकै कि हमरा सिनी बेशक वहे आदमखोर शेर के पीछू-पीछू छियै । ऊ शेर के क्रिया-कलाप देखै ले लोगो के ऊच्चो-ऊच्चो गाछी पर बिठाय देलो गेलै । थोड़ो आरो आगू बढ़ला पर चिड़िया सिनी के चहचहैवो सुनाय पड़लै, आरो हमरो हाथियो रुकी-रुकी के ठोकर देवो शुरू करलकै ।

हमरा शेर के मौजूदगी के अन्दाज लगावै में दरे नै लगलै । महावते कहलकै कि जामुन के झाड़ी में हमरा शेर के मौजूदगी के आभास होय रहलो छै । हौदा में कुछ पत्थरो छेलै । महावते एक पत्थर झाड़ी बीच फेकलकै आरो ठिकके में, पत्थर के गिरतै शेर उछललै, आरो दहाड़ते निकली भागलै । मतरकि ओकरा भागे के रास्ता में हाथी नजर ऐलै ते वै पलटी के हमरा पर हमला ले देह-हाथ समेटे लागलै । ई सब पलक झपकते होलो छेलै । मजकि हम्मुओ तैयारे छेलां । अभी ऊ शेर लगभग बीस गज के दूरिये पर होतै आरो हम्में गोली चलैये वाला छेलियै कि हमरो हाथी हठाते पलटी गेलै । ये से हमरो रुख दूसरो दिश होय गेलै । मजकि जल्दिये हमरा हाथी के पलटवो के रहस्य मालूम होय गेलै । असल में हमरो साथ एलो के एक ठो भयभीत आदमी हाथी से सट्टी गेलो छेलै आरो दू ठो ओकरो पुछड़िये से लटकी गेलो छेलै । खैरियत यह होलै कि हमरो बन्दूक नीचे गिरे से बची गेलै । हाथी

आरो शेर दोनों एक सेकेण्ड लेली हक्का-बक्का रही गेलै ।

हठाते हौ सब परिस्थिति के असर हमरौ पर पड़लै । हालाकि आपनों निजी जिन्दगी में ढेरे जानलेवा दिक्कतौ के सामना करलें छेलियै । सच पूछों तें जोखिम कें उठैवों आरो जान खतरा में डालै के एक तरह सें हमरा अभ्यासे होय गेलों छेलै, मतरकि चाहे तोहें हमरा कमजोर या कायर कहों, अइयो ऊ क्षण कें याद करहें हमरों रोंगटा खड़ा होय जाय छै । तोहें जरा सोचों—हौदा, महावत, शिकारी आरो शिकारी सें नीचें हाथी सें लिपटलों होलों आदमी आरो शिकार के दरम्यान मुश्किल सें कुछ गज के दूरी । शिकारो केन्हों—आदमखोर शेर ।

कि एकाएक शेर उछललै आरो हाथी के पुट्टा पर पंजा जमाय देलकै । हमरों सम्मुख मृत्यु खूंखार जबड़ा आरो भयानक पंजा के शक्ल में उपस्थित छेलै ।

हौ खूंखार जबड़ा आरो भयानक पंजा केकरो दिल दहलाय दै वास्तें काफी छेलै । जों हमरा दोनों के बीच के दूरी आरो कुछ कम होतियै तें हौ दिन शिकारिये शिकार होय गेलों होतियै ।

हाथी सधैलों होलों छेलै । तहियो तकलीफ आरो डर सें बेचैन हुएँ लागलों छेलै । तखनी ई सोचै आरो फिकिर करै वक्त नै छेलै । हममें वहेँ कम समय में जबें कि हमरों आरो मौत के बीच बस एक गज के दूरी बची रहलों छेलै, बन्दूक के नाल शेर के सिर सें लगाय कें लबली दबाय देलियै । शेर तें आलू के पौधा रं नीचें गिरी पड़लै । आरो हाथी आपनों गुस्सा उतारै के गरज सें झटाक सें आपनों गोड़ ओकरोँ बेजान शरीर पर राखी देलकै ।

हमरा याद छै, हौ शेर कै एक फीट लम्बा छेलै । ओकरोँ कपाड़ों पर पूर्णिमा चांद जेहनों कोय निशान नै छेलै, जेन्हों कि लोग ओकरोँ बारे में बोलै छेलै आरो नै ओकरा में हेनों कोय खास बाते छेलै, जे जे ओकरोँ बारे में प्रचलित छेलै । ऊ तें बस एक शेर छेलै । जे हुएँ, हौ हाथी कें हममें नै भूलें पारों । बहुत दिनों के बाद ऊ हाथी पर हममें एक ठो कविता लिखलें छियै, सुनों,

टुकटुम-टुकटुम हाथी राम
तोरोँ सवारी बिना लगाम ।
सुँढ़ लटकलों अजगर रं

चमड़ो तोरों पत्थर रं
दाँत दुधे रं चम-चम-चम
खाना मॉन भरी, नै कम
पर टुकनी रं आँखे जाम
टुकदुम-टुकदुम हाथी राम ।
पेट छेकौं या छेकौं पहाड़
गोड़ छेकौं या गाछे ताड़
लगौं डमोलों तोरों कान
तोरों मालिक बस पिलवान
सब बुतरू रों तोरा सलाम
टुकदुम-टुकदुम हाथी राम ।

हौ साँझ मौसम बड़्डी अच्छा छेलै । अवधेश सिंह, शशिभूषण खडगाहा, डॉ. उमेश राय, सुभाष सिंह, चक्रधर सिंह आरो कैएक ठो लोग खालिक चा लुग बैठलों होलों छेलै । हम्मं जबें हुनकों लुग पहुँचलियै तें बिस्कुट आरो चाय के दौर शुरू होय चुकलों छेलै ।

हम्मं खालिक चा कें अच्छा मूडों में देखलियै तें कहलियै, “तोरों जिन्दगी में तें शिकारे शिकार छौं । शेरो तक के शिकार तोहें करलौ, की कभी भालुओ के शिकार करलें छौ ।” तखनी खालिक चा आराम कुर्सी पर बैठलों छेलै । हमरों सवाल सुनतैं हुनी संभली कें बेठी गेलै । हम्मं देखलियै—हुनकों आंखों में एक रोशनी नाँखी चमक आवी गेलों छेलै । तबें हुनी कहनौ शुरू करलकै—

“हौ दिनां हम्मं चन्दई गांव में छुट्टी बिताय रहलों छेलियै । एक रात के बात छेकै कि भालू छाया नाँखी हठाते आवी गेलै आरो हमरों व्यापारी मेहदी मियां के बकरी मारी गेलै । ऊ भालू बकरी कें बड़ी भयानक ढंगों से चीरी-फाड़ी देलें छेलै । मतरकि खैलें जरियो टा नै छेलै ।

खालिक चां हुक्का गुड़गुड़ावें लागलै, जेना याद के दुनियां में लौटी रहलौ रहें । ई देखी हमरा सिनी आरो उत्सुक होय गेलियै ।

खालिक चाखं कहना शुरू करलें छेलै, “हौ भालू एक कारों बादर नांखी ऐलौ छेलै । वै हवा में कुछ सूंघलें छेलै । कुछ देर लें हिन्नं-हुन्नं घूमलौ छेलै आरो माहौल कें आपनों लायक बुझी कें बाड़ी में घुसी गेलौ छेलै । फेनू एतें खामोशी सें वै बकरी कें चीरी-फाड़ी देलें छेलै कि ओकरों आवाजो कोय नै सुनें पारलें छेलै । ई भालू के स्वभावे छेकै ।” खालिक चां हुक्का सें फेनू एक कश खीची कें कहना शुरू करलकै ।

दोसरो दिन भोर होतैं हमरा सिनी नाश्ता करलियै आरो बराबर पहाड़ दिश चली पड़लियै । हममें छेलियै, महमदी मियां छेले आरो ओकरों पालतू कुत्ता छेलै । हमरा सिनी ऊ भालू के निशान तलाशतें जंगल रों दक्खिनी हिस्सा पार करी गेलियै, यहाँ तक कि ऊ हिस्सा तांय निकली ऐलियै, जहाँ कि कटीला धार वाला घास उगलौ छेलै ।

तलाशी में गरमी आवें लागलौ छेलै । आखिर में हम्मू ओकरा पाविये लेलियै । घास के शृंखला जहाँ पर खतम होय छेलै, ओकरों दायां दिश तालाब छेलै आरो तालाब के दोसरो किनारी पर भालू बैठलौ नजर आवी गेलै । तालाब में बहुते मुर्गावी छेलै । सुर्खाबो साफ-साफ नजर आवी रहलौ छेलै । महमदी मियां हमरा इशारा करलकै कि भालू बदला मुर्गाबिये के शिकार करौं । मतरकि हममें आँखे आँख सें चुप रहै के इशारा करलियै, कैन्हें कि दुख आरो खुशी दै वाला सच्चाई हमरो सम्मुखे छेलै ।

कुत्तां जबें भालू कें देखलकै तें, ऊ भूंकतें आरो दौड़तें ओकरों नगीच पहुँची गेलै । हम्मूं पीछू-पीछू लपकलां । तोरा सिनी जानी लें कि कुत्ता भालू कें उलझावै में बड़ी मददगार सिद्ध होय छै । मजकि ऊ वक्ती तें सौंसे मामलाहे उल्टा नजर आवी रहलौ छेलै । कुत्ता कें भौंकतें देखी कें भालू दौड़तें हमरो दिश आवें लागलै । भालू के ई प्रकृति छेकै कि जबें दौड़ै छै तें बहुत तेज दौड़ै छै । आबें ऊ हमरा सें ज्यादा दूर नै रही गेलौ छेलै । देखतैं-देखतैं ऊ हमरो करीब आवी गेलै । हम्मू एक मिनट बिना बर्बाद करलें बन्दूक सें फायर करी देलियै । मतरकि हमरा की मालूम कि कोय वजह सें बन्दूक जाम होय चुकलौ छेलै । यही सें फायर नै होलै । दोबारा लबली दबैलियै तें बस क्लिक के आवाजे होय कें रही गेलै ।

हौ स्थिति में हम्मैं सोचलियै कि कैन्हें नी बन्दूक के कुन्दे सें ऊ भालू पर हमला करी दौं, फेनू यहू सोचलियै कि भालुवे कें आपनों दिश सें जे करना छै, करें दौं । फेनू नै होतै तें भागी जैवै ।

ई सब बात बस बीस-तीस सेकेण्ड में होय गेलों छेले, मतरकि हमरा हेने मालूम होय रहलौं छेलै, जेना घण्टो गुजरी चुकलौं छै ।

कि एकाएक भालू हमरों दिश बढ़लै । हम्मैं दम साधले खड़ा रहलियै, आरो ऊ जेन्हें हमरों नगीच ऐलै हम्मैं आपनों भर कुव्वत बन्दूक के कुन्दा घुमाय कें ओकरों माथा पर दै मारिलियै । भालू हौ रं के हमला वास्तें एकदम्मे तैयार नै छेलै । आरो हमरों हमला बड़ी जोरदार छेलै । हौ उछललै, चीखलै आरो पचास गज के दूरी पर झाड़ी सिनी छेलै, जेकरै में जाय कें घुसी गेलै ।

हम्मैं पीछू मुड़ी कें देखलियै तें देखलियै कि मेहदी मियां गायब छै आरो हुनको कुत्तो तांय नजर नै ऐलै ।

हमरों जान बची चुकलौं छेलै । हम्मैं ईश्वर कें धन्यवाद देलां । ऊ सचमुचे में हमरों लें मौते के घड़ी छेलै । बन्दूक धोखा दै चुकलौं छेलै आरो मेहदी मियां आपनों कुत्ता सहित लापता छेलै ।

जबें हम्मैं जंगल के रास्ता सें लौटें लागलियै तें, एक गाछी के नीचें मेहदी मियां के कुत्ता नजर ऐलै आरो मेहदी मिया वहें गाछी के ऊपर छुपलौं बैठलौं छेलात । आरो बुतरु नांकी कविता गुनगुनैवो करी रहलौं छेलात,

भालू गुड-गुड, गुड-गुड-गुड-गुड
जहिया सें घूमी ऐलौं छै
लंदन आरो हॉलीवुड
बात करै नै केकरौ सें भी
खाली कहै छै
सी केन कुड
ही केन कुड
भालू गुड-गुड, गुड-गुड-गुड ।
चश्मा सदा चढ़ैले राखै
हाथों में छोटका इस्टिक
झबरों-झबरों लातों सें

ढेलों-ढेपों कें मारै किक
खोलै नै टाई कें कभियो
या माथों सें आपनों हुड
भालू गुड-गुड, गुड-गुड-गुड ।

हमरा जिन्दा सलामत देखलकै तें जल्दी सें नीचें उतरी ऐलात ।
“तोहें की बुझी रहलें छेलौ, हम्में भालू के कलव्वों बनी जैवै ?”
हम्में मुस्कैतें कहलियै तें मेहदी मियां बड़ी गंभीरता आरो परेशानी में कहलकै
“मतरकि तोहें बची केना गेलौ ।”

“कायर लोग ई राज कें नै समझें पारें ।” मुस्कैतें मुस्कैतें कहलियै ।
“हम्में कायर नै छैं । बस तखनी भागिये ऐवों में सलामती
बुझैलै ।”

ई सब सुनी कें हमरों मूड क्षणै-क्षणै खराब होलें जाय रहलें छेलै,
से हम्में चुप्पी साधी लेलियै ।

हमरों मूड के शायत मेहदी मिया कें इलम नै छेलै, यहें सें फेनू पूछी
बैठलै, “तें तोहें की ऊ भालू के पीछा नै करलौ ?”

“केना करतियै, बन्दूक एक्के छेलै आरो वहू खराब ।” हम्में
आपना पर काबू रखतें कहलियै ।

हम्में ई शिकार पर रायफल लै कें नै गेलें छेलियै । हमरों जिन्दगी
के ई पहिलों शिकार छेलै जे हमरों पकड़ में आवियो कें जीत्तों निकली गेलों
छेलै । एकरों अफसोस हमरा आय तक छै ।

हौ शाम में सर्दी कुछ ज्यादाहै छेलै । हमरों साथें आरो कुछ लोग खालिक
चा के वकालत खाना में बैठलें होलें छेलै । आरो सब कन जे ड्रायंग रूम
होय छै, जहाँ लोग बाग आवी कें बैठे छै, ऊ ड्रायंग रूम कहलाय छै, मजकि
खालिक चा के ड्रायंग रूम वकालत खाना सें ज्यादा कुछ नै छेकै । खालिक

चा मोटों-मोटों कानूनी किताबों के बीचों में बैठे छे आरो ऊ कमरा के हुनी वकालत खाना कहै छै । कानून के सब जुड़लौ कागज पत्र मोटों-मोटों किताब सब वही कमरा में रखलौ रहै छै । बस यहे कोठरी हुनको वास्तें झायंग रूम छेकै । कचहरी खुल्ला रहै छै ते कानून के कागज पत्र लैके हुनी कचहरिये दौड़तें रहै छै । मजकि तखनी कचहरी बन्द चली रहलौ छेलै । से एक दिन शिकार के कहानी सुने के ख्यालों सें हुनको यहाँ पहुँची गेलियै । कहलियै, “चाचा हो दिन भालू के शिकार के जे घटना सुनैलें छेलौ, मजा नै ऐलौ ।”

“कैन्हें ?” हमरो बात सुनतैं खालिक दा संभली के बैठी गेलै ।

“नै जानौं कैन्हें ।” हममें कहलियै ।

“अच्छा ते आय हममें भालू के शिकार के कहानी सुनावै छियौं, सुनौं, एकरा कहानी नै बुझियौं, एक बितलौ घटना छेकै । तोरा सब ते जानवे करै छौ कि बराबर के पहाड़ो जंगल सें घिरलौ होलौ छेलै आरो वहाँ भालू बहुते पैलौ जाय छेलै । ऊ पहाड़ तक जाय वास्तें बेला स्टेशनें पर उतरै लें पड़ै छै । रास्ता घुमावदार छै । हौ समय में हममें अफसरा गाँव गेलौ होलौ छेलियै । कि मखदमपुर सें हमरो एक रिटायर्ड आरक्षी निरीक्षक दोस्त नें कहलाय भेजलकै कि शिकार पर चलना छै । हिरण के शिकार के इच्छा हमरो छेलै । सोचलियै—दोनौ शिकार एक्के साथें होय जैतै ।

दोसरे दिन हमरा सिनी अफसरा सें रवाना होय गेलियै आरो अलीगंज पहुँची गेलियै । यहीं रुकी के शिकार में निकलै के योजना छेलै । वहाँ गिर्दोनोह में पथरीला चट्टाल रें सिलसिला फैललौ छेलै, जैमें जग्घों-जग्घों पर खोह आरो खाईयो छेलै, जैमें जरूरत पड़ला पर भालू साथें दोसरो-दोसरो दरिन्दा शरण लै छेलै ।

अगला भोर सूरज उगै सें पहिलें हमरा सिनी शिकार लेली तैयारी शुरू करी देलियै । बन्द गिलाफ सें बन्दूक के निकाली साफ करलियै । कारतूस के अजमैलियै । चाकू के धार तेज करलियै आरो फेनू निकली पड़लियै । जंगल वहाँ सें कोय तीन मील रें दूरी पर छेलै ।

जंगल पहुँची के हमरा सिनी सबसें पहिले एक झबरलौ ऊच्चों गाछी पर मचान बंधवैलियै आरो हुनें हाँका करै वाला साजो समान के तैयारी में लगी गेलै । हमरो पुलिस सुपरिटेण्डेण्ट दोस्त मुजाहिद खान के

सेवक सिनी नें बड़ी कारिगरी आरो खूबसूरती सें सब तैयारी पूरा करलकै । हम्मं आरो मुजाहिद खां नें मचान पर आसन जमैलियै आरो हुन्नं हाँका करै वालां आपनों काम शुरू करी देलकै । ऊ सब जंगल के भीतर घुसी गेलों छेलै आरो दू-तीन मील भीतर गेला रों बाद घेरा डाली हमरा सिनी दिश बढ़े लागलै ।

थोड़े देर बाद दूर सें ऐतें शोरगुल हमरा सिनी कानों में पड़लै तें, है जानी लेलियै कि मजदूर आरो नौकर सिनी आपनों काम शुरू करी देलें छै । ढोल पीटै आरो नारा लगैवों के आवाज आहिस्ता-आहिस्ता हमरा सिनी के करीब ऐलों जाय छेलै ।

कि एकाएक पदचाप सुनाय पड़लै । सुनहैं हमरा सिनी चौकन्ना होय बैठी गेलियै । तभिये एक ठो मजदूर के हाँक सुनाय पड़लै—“भालू आवी रहलें छै, भालू आवी रहलें छै ।”

कुछुवे देरी में हम्मं देखलियै कि मोटों-ताजा भालू झाड़ी सें झूमतें निकली रहलें छै । ऊ हमरों बन्दूक के सिमाना पर छेलै । हम्मं जल्दिये निशाना बांधलियै आरो लबली दबाय देलियै । फेनू की छेलै, गोली भालू के जबड़ा कें तोड़तें निकली गेलै । गोली लगहैं ऊ पीछू आवी रहलें एक ठो मजदूर पर झपटी पड़लै । हमरा दोसरों गोली चलावै के मौके नै मिललै । भालू कें हो रं झपटतें देखी कें मजदूरें भागै के कोशिश करलकै, मतरकि भालू के तेज रफ्तार के मुकाबला भला मजदूर की करतियै ।

भालू के गरम-गरम साँस के अनुभव मजदूरें जबें आपनों गालों पर करलकै तें, वैं बड़ी फुर्ती सें कलाबाजी खेलकै । मतरकि दुर्भाग्य, मजदूर के एक गोड़ झाड़ी में फंसी गेलै आरो जबें तांय ऊ संभलतियै, भालू ओकरों ऊपर छेलै ।

भालू कें हमरों गोली लगला के कारण मजदूर कें एक फायदा तें जरूरे पहुँचलें छेलै कि भालू आपनों घायल जबड़ा के वजह सें आपनों मुँह आरो दाँत नै चलावें पारी रहलें छेलै । मतरकि भालू के पंजाहै आदमी कें झंझोड़ी दै लें काफी होय छै ।

हम्मं आरो मुजाहिद खां हाथों में बन्दूक लेलें बेबस बैठलें छेलियै । गोली चलैला सें मजदूर के जान कें खतरा छेलै, होनौ कें ऊ मजदूर खतरा में छेलै । भालू ओकरा आपनों गिरफ्त में लैकें एक गेंद नाँखी हिन्नं-हुन्नं

करी रहलौं छेलै । मतरकि वहू मजदूर बड़ा तजुरबाकार आरो हिम्मतवाला छेलै । शायत ऊ कसरतो करतें होतै आरो ओकरा कुछ दौव-पेंचों के ज्ञानो छेलै, केन्हें कि देखतहैं-देखतहैं वै आपनों टाँग के कैंची बनाय, भालू के गर्दन में डाली देलकै । आरो दायां हाथ सें ओकरो जख्मी मूँ पकड़ी के धड़ाधड़ घूंसा बरसाबें लागलै ।

एतें भयानक आरो दिलचस्प दृश्य हम्में आय तक नै देखलें छेलियै । भालू बड़्डी ताकतवर छेलै । वै आपनों पूरा कुव्वत सें मजदूर के धकेली रहलौं छेलै । जमीनों पर रगड़ियो रहलौं छेलै—साथे-साथ गर्दनो छुड़ाय के कोशिश करी रहलौं छेलै ।

मजदूर मौत रों करीब छेलै । यही लें जी-जान सें वै दुश्मन पर हमला करलें जाय रहलौं छेलै । होना के ओकरो दोनों कंधा जख्मी होय चुकलौं छेलै, जैसें खूनो बहें लागलौं छेलै ।

हम्में बेचैनी के हालत में मचान सें नीचू उतरलियै । होनाके नीचें उतरै सें हमरा मुजाहिद खां नें रोकै लें चाहलकै, मतरकि मजदूर केरों बहादुरी आरो ओकरो जान खतरा में देखी हम्में बिना देर करले, आपना के कुछ करै मजबूर पैलियै ।

नीचें उतरी के हम्में चाकू मजबूती सें पकड़लियै आरो हौले-हौले ऊ दोनों दिश बढ़ें लागलियै ।

नगीच आवी के भालू रों पेट के निशाना बनैलियै आरो आपनों सब्भे टा कुव्वत सें ओकरो पेटों पर एक के बाद दोसरो प्रहार करे लागलियै ।

देखतहैं-देखतहैं मजदूर ओकरो चंगुल सें बाहर निकली ऐलौं छेलै । आरो भालू हिन्न-हुन्न चीख मारतें दौड़ी रहलौं छेलै ।

भालू के ऊ हालत देखी हमरा रहलौं नै गेलै आरो हम्में आपनों बन्दूक के गोली सें ओकरा ओकरो दुख सें त्राण दै देलियै ।

भालू के ई रोमांचक शिकार सुनी के हमरा सिनी खालिक चाचा के बहादुरी, दिलेरी के तारीफ करना शुरू करलियै तें, हुनी हठाते गंभीर होय उठलै । हमरा सिनी है परिवर्तन के कारण कुछुवो नै समझे पारलियै । पूछौ के साहस नै होय छेलै—हठाते ई की बात भै गेलै ।

कुछ क्षण लेली चुप रहला के बाद खालिक चाचां बड़ी गंभीर होतें

कहलकै, “लेकिन बहादुरी आरो दिलेरी आबें चीता, शेर, भालू के शिकार करै में नै छै, एकरा बचावै में छै । राजा-रजवाड़ा आरो हमरों जेहनों शिकारी के शौक के कारणें आय देश में एकेक करी कें जंगली पशु आरो अजीब अजीब किस्म के पक्षी के जाति या तें खतम होय गेलों छै, आकि खतम होय पर छै । कभी हमरों अंगप्रदेश सिंह हेनों वनराज के घोर छेलै, ऊ आपने घरों में नै दिखाय पड़ै छै । चीता, भालू, बाघ हाथी की-की नै मन्दार, लक्ष्मीपुर, मधेपुरा, राजमहल के जंगल पहाड़ में मिलै छेलै । आय सब जंगल पहाड़ सूनों छै । जंगलें पहाड़ नै रहलै तें जंगली जीव-जन्तु कहाँ सें रहतै ।

पहिले हमरा सिनी जंगली जीव-पशु कें खतम करलियै, फेनू जंगल आरो फेनू पहाड़ो तोड़ी कें राखी देलियै । हमरों हवस चीता, शेर आरो भालूओ सें भयानक बनी गेलों छै । आय जरूरत छै—ई हवस कें गोली मारी दै के । आवें हमरा सिनी के ई हवस के शिकार करना छै । यही लें देखै छौ नी, हममें ई बन्दूक आरो राइफल कें काठ के बक्सा में हमेशा लेली बन्द करी दीवाली पर टांगी देलें छियै ।

हमरा सिनी देखलियै, सचमुचे में काठ के दू लम्बा-लम्बा बक्सा दीवाली पर टंगलों होलों छेलै ।

आरो एकरों बाद नै हममें, नै हमरों साथियें कभियो खालिक चाचा सें शिकार के कहानी सुनाय के जिद करलियै, नै आरजू-मिन्नत ।

